

## Iniciativa pol Asturianu reclama un esfuerciu políticu pa llograr el cumplimientu del artículu 3.2 de la Constitución n'Asturies

***“Dende Iniciativa pol Asturianu queremos facer un llamáu a un trabayu colectivu y con consensu pa llograr la igualdá de drechos de la ciudadanía falen la llingua que falen”***

***La entidá recuerda que l'únicu mecanismu llegal pa garantizar la llibertá ye la oficialidá de la llingua asturiana***

**XIXÓN, 06/12/2020.** Nesti 6 d'avientu, día de la celebración de la conmemoración del aniversariu de la Constitución Española, Iniciativa pol Asturianu aprovechó pa reclamar un esfuerciu políticu pa llograr el cumplimientu del artículu 3.2 de la Constitución n'Asturies. La entidá considera que ye un momentu importante pa dar pasos de manera consensuada, con diálogu y con altura de mires pa llograr conxuntamente siguir trabayando pol idioma dende les instituciones.

“Dende Iniciativa pol Asturianu queremos facer un llamáu a un trabayu colectivu y con consensu pa llograr la igualdá de drechos de la ciudadanía falen la llingua que falen. La oficialidá ye una medida constitucional que va aportar igualdá, progresu y llibertá a tolos y toles asturianos” apuntaron dende la entidá.

Nesi sentíu, la organización recordó les pallabres de Borja Sánchez, conseyeru de Ciencia, Innovación y Universidá del Gobiernu d'Asturies, en sede parlamentaria apuntando que “nun existen mecanismos llegal pa garantizar l'usu llibre del asturianu na Universidá”. Por ello, Iniciativa pol Asturianu recuerda que l'únicu mecanismu llegal pa garantizar la llibertá ye la oficialidá de la llingua asturiana.

Ye tamién un bon día pa insistir en que namás consiguiendo un consensu suficiente, 27 de 45 votos nel parlamentu asturianu y mayoría nel Congresu de los Diputaos, ye posible conseguir la oficialidá. Esta llexislatura ye'l momentu de que los partíos lideren esta reforma con alcuerdos tresversales y pongan en marcha los preseos llexislativos colos plazos que garanticen mesmo l'alcuerdu que los plazos suficientes, teniendo en cuenta tolos pasos precisos pa ello.

Pa terminar, dende Iniciativa pol Asturianu apuntaron que “nestos momentos que soplen vientos a favor de la llingua asturiana, ye'l momentu de construyir molinos y non muries. Dempués de tantes bones noticies pal idioma nesti añu (la financiación estatal pa l'ALLA, l'acreditación oficial d'asturianu, la creación del Conseyu Asesor...) ye'l momentu de trabayar de manera consensuada, sumando, ensin exclusiones pa llograr da-y normalidá constitucional al idioma”.

Pa más información

Estaya de Comunicación & Prensa  
[info@iniciativapolasturianu.org](mailto:info@iniciativapolasturianu.org) | Téfonu: 695 868 183  
[www.iniciativapolasturianu.org](http://www.iniciativapolasturianu.org)

## Iniciativa pol Asturianu reclama un esfuerzo político para lograr el cumplimiento del artículo 3.2 de la Constitución en Asturias

***“Desde Iniciativa pol Asturianu queremos hacer una invitación a un trabajo colectivo y con consenso para lograr la igualdad de derechos de la ciudadanía hablen la lengua que hablen”***

***La entidad recuerda que el único mecanismo legal para garantizar la libertad es la oficialidad de la lengua asturiana***

**XIXÓN, 06/12/2020.** En este 6 de diciembre, día de la celebración de la conmemoración del aniversario de la Constitución Española, Iniciativa pol Asturianu aprovechó para reclamar un esfuerzo político para lograr el cumplimiento del artículo 3.2 de la Constitución en Asturias. La entidad considera que es un momento importante para dar pasos de manera consensuada, con diálogo y con altura de miras para lograr conjuntamente seguir trabajando por el idioma desde las instituciones.

“Desde Iniciativa pol Asturianu queremos hacer un llamado a un trabajo colectivo y con consenso para lograr la igualdad de derechos de la ciudadanía hablen la lengua que hablen. La oficialidad es una medida constitucional que va sumar igualdad, progreso y libertad a todos los y todas las asturianas” apuntaron desde la entidad.

En ese sentido, la organización recordó las palabras de Borja Sánchez, consejero de Ciencia, Innovación y Universidad del Gobierno de Asturias, en sede parlamentaria apuntando que “no existen mecanismos legales para garantizar el uso libre del asturiano en la Universidad”. Por ello, Iniciativa pol Asturianu recuerda que el único mecanismo legal para garantizar la libertad es la oficialidad de la lengua asturiana.

Es también un buen día para insistir que, únicamente consiguiendo un consenso suficiente, 27 de 45 votos en el parlamento asturiano y mayoría en el Congreso de los Diputados, es posible conseguir la oficialidad. Esta legislatura es el momento de que los partidos lideren esta reforma con acuerdos transversales y pongan en marcha la maquinaria legislativa con los plazos que garanticen el acuerdo, teniendo en cuenta todos los pasos precisos para ello.

Para terminar, desde Iniciativa pol Asturianu apuntaron que “en estos momentos que soplan vientos a favor de la lengua asturiana, es el momento de construir molinos y no muros. Después de tantas buenas noticias para el idioma en este año (la financiación estatal para la ALLA, la acreditación oficial de asturiano, la creación del Conseyu Asesor...) es el momento de trabajar de manera consensuada, sumando, sin exclusiones para lograr darle normalidad constitucional al idioma”.

Para más información

Departamento de Comunicación & Prensa  
[info@iniciativapolasturianu.org](mailto:info@iniciativapolasturianu.org) | Teléfono: 695 868 183  
[www.iniciativapolasturianu.org](http://www.iniciativapolasturianu.org)